

**Inomjonov Zaxiriddin Zafarjon o`g`li**

*Assistent*

**Sattorov Mashrabjon Akramjon o`g`li**

*Talaba:*

*Andijon qishloq xo`jaligi va agrotexnologiyalar instituti*

**Annotasiya:** *ushbu maqolada yoshlar toifasi, yoshlarga oid davlat siyosatining amalga kiritilishi, yoshlarning qamrovi, shuningdek yoshlarni birlashtirish hamda ularning davlat boshqaruv organlarida faol ishtiroki yoritilgan.*

**Аннотация:** *в данной статье рассматриваются категория молодежь, реализация государственной политики в отношении молодежи, охват молодежи, а также интеграция молодежи и ее активное участие в органах государственного управления.*

**Annotation:** *this article covers the category of youth, the implementation of the state policy on youth, the coverage of youth, as well as the integration of youth and their active participation in state management bodies.*

**Kalit so`zlar:** *yoshlar, davlat, tashkilot, yoshlar ittifoqi, qurultoy, delegatsiya, siyosat, tashabbus.*

**Ключевое слова:** *молодежь, государство, организация, молодежный союз, соглашение, делегация, политика, инициатива*

**Key words:** *youngsters, country, organization, youth union, convention, delegation, politics, initiative*

O`zbekistonni yoshlar mamlakati desak mubolag`a bo`lmaydi. O`zbekiston Respublikasining fuqarolarini 60 foizdan ortig`ini 30 yoshgacha bo`lgan yoshlar tashkil etadi. Bilamizki, davlatning poydevori yoshlar hisoblanadi. Yoshlarni birlashtirish asosiy vazifa hisoblanib buning uchun bir nechta tashkilotlar tuzilgan.

Shuningdek mustaqillikka erishganimizdan buyon yoshlarga e`tibor kundan kunga kuchayib bormoqda. Xususan, O`zbekiston Respublikasi mustaqillikka erishgandan keyin mamlakat yoshlarini birlashtirish uchun “Yoshlar ittifoqi” tashkiloti tuzildi. Ushbu tashkilot yoshlarning huquq va manfaatlari himoya qilishga ularda ijod tuyg`ularini shakllantirish maqsadida o`z faoliyatini olib bordi. Biroq tashkilot yoshlarni o`z plenumi va konferensiya qarorlarini bajarishga safarbar qilishga urinishi, qarorlarda yoshlarning manfaatlari va ehtiyojlari to`la aks etmaganligi natijasida 1996-yil “Yoshlar ittifoqi” tashkiloti tugatilib, O`zbekiston Respublikasi yoshlarining “Kamolot” jamg`armasi tuzildi. Bu tashkilot yillar davomida o`z faoliyatini olib bordi. 2001-yilda Toshkentda bo`lgan yoshlar qurultoyida o`zini o`zi boshqaradigan nodavlat notijorat tashkilot O`zbekiston Respublikasi “Kamolot” yoshlar ijtimoiy

harakati tuzildi. Bu tashkilot 14 yoshdan 28 yoshgacha boʻlgan Oʻzbekiston fuqarolarini birlashtirgan holda ish olib bordi.<sup>32</sup> Albatta, bu tashkilotlar iqtidorli yoshlarni aniqlashda koʻmaklashdi, ularni iqtidorini namoyon qilishi uchun sharoit yaratib berdi va keng imkoniyatlarni taqdim etdi.

2016-yilda “Yoshlarga oid davlat siyosati toʻgʻrisidagi”gi Oʻzbekiston Respublikasi qonuni qabul qilindi. Unga koʻra, 30 yoshgacha boʻlgan barcha toifadagi shaxslar yoshlar ekanligi qayd etilgan.

2017-yil 30-iyun kuni Oʻzbekiston Respublikasi Prezidenti Shavkat Mirziyoyev ishtirokida “Kamolot” Yoshlar ijtimoiy harakati qurultoyi boʻlib oʻtdi. Bu qurultoyda “Kamolot” Yoshlar ijtimoiy harakati tugatilganligi va “Oʻzbekiston yoshlar ittifoqi” tashkil etilganligi eʼlon qilindi. Hozir ham bu tashkilot oʻz faoliyatini olib bormoqda,

Bizning davlatimizda yoshlarga imkoniyat yildan yilga oshib bormoqda desak mubolagʻa boʻlmaydi, chunonchi Qaysi tarmoq, qaysi yoʻnalish boʻlmasin barcha sharoitlar mujassam. IT sohasini oʻrganish, xorijiy tillar sohasini oʻrganish boʻyicha, umuman olganda barcha tarmoqlarda imkoniyatlar mavjud. Biz yoshlardan talab qilinadigan narsa, faqatgina, shu imkoniyatlardan oqilona foydalanish, kelajakda yurt ravnaqi uchun oʻz hissamizni qoʻshishimiz lozim. Yoshlarga eʼtibor nafaqat bizning yurtimizda, balki jahonda ham muhim oʻringa ega.

Taniqli siyosatchi, Parlamentlararo ittifoqning Bosh kotibi Martin Chungong rasmiy boshliq delegatsiya mamlakatimizga tashrif buyurganida, u kishi bir fikrni afsus bilan takidladi. Yaʼni sayyoramiz aholisining yarmidan koʻpini 30 yoshgacha boʻlgan insonlar tashkil etsada, butun dunyo boʻyicha yosh deputatlarning ulushi 2.6 foizga ham yetmas ekan. Oliy martabali mehmon Oʻzbekistonda bu koʻrsatkich 6 foizdan oshganini yuqori baholadi. Bu – katta eʼtirof, albatta. Biz gʻoyat muhim yoʻnalishdagi bu ishlarimizni davom ettirgan holda, Parlamentlararo ittifoq koʻmagida “Biz parlamentda yoshlarni qoʻllab-quvvatlaymiz!” degan ezgu tashabbusni amalga oshiramiz. Bugungi murakkab zamonda yoshlarni jismoniy va maʼnaviy barkamol insonlar etib tarbiyalash biz uchun gʻoyat muhim vazifa boʻlib qolmoqda.<sup>33</sup>

Davlatimizda faqatgina yigitlarga eʼtibor qaratmasdan, yosh qizlarga ham imkoniyatlar yaratilmoqda. Yosh yigit-qizlarni qoʻllab-quvvatlash maqsadida bir nechta sovrinlar tashkil qilingan. Ular misol qilib “Mard oʻgʻlon”, “Zulfiya” nomidagi davlat mukofotlari keltirishimiz mumkin. 2017-yilga kelib 14 yoshdan 22 yoshgacha boʻlgan qizlardan iborat “Zulfiya” mukofoti sovrindorilarning soni 200 dan oshdi.<sup>34</sup>

Mana shunday ragʻbatlantirishlar yoshlarga katta shijoat bagʻishlaydi, ularning maqsadlari sari dadil qadam tashlashlariga koʻmaklashadi. Yoshlarni Vatan ruhida tarbiyalashga koʻmaklashadi. Albatta, biz yoshlar bu imkoniyatlardan oqilona foydalanishimiz, yurtimiz rivojlanishi uchun oʻz hissamizni qoʻshishimiz lozim. Zero,

<sup>32</sup> Gʻafur Gʻulom nomidagi nashriyot-matbaa uyi Toshkent-2018

<sup>33</sup> Yangi Oʻzbekiston strategiyasi Toshkent-2021 253-bet

<sup>34</sup> <https://www.kun.uz>

har bir inson tug`ildimi, shu yurti uchun, Vatanining ravnaqi uchun o`z hissasini qo`shishi lozim. Davlat siyosatida yoshlarga imkoniyatlar keng, turli qonunlar yaratilgan va yaratilmoqda, hatto, yillarning nomida ham yoshlar so`zi aks etmoqda. Yoshlarni o`z sohasi bo`yicha shug`ullanishi uchun davlatimiz keng ko`lamli ishlarni olib bormoqda. Besh tashabbus loyhalari ishlab chiqilib, ularni amalga oshirish nazorati olib borilmoqda.

Yurtimizda yoshlarga oid siyosatni yanada amalga oshirish uchun seleksiya tizimini rivojlantirishni tavsiya etaman. Seleksiya tizimi bu lotincha saralash tanlash ma`nolarida qo`llaniladi.<sup>35</sup> Bu nima degani, shu O`zbekistonning eng chekka hududlarida qobilyatli yoshlarni tanlab olish, ularni o`z qobiliyati bo`yicha yo`naltirish, kerakli sharoitlarni yaratib berish. Masalan, bir qishloqda sport bo`yicha qobilyatli bola borligini o`sha maktabdagi yoshlar bilan ishlovchi bo`lim biladi, lekin bolaning sport bilan shug`ullanishiga sharoitai yo`q va bu haqida darrov sport tashkilotlariga ma`lumot yekazishi lozim. Ular bu bolaning qobilyatini ko`rib, u bilan alohida shug`ullanadi, sharoitlar yaratib beradi va kelajakda musobaqalarda ishtirok etishi uchun zamin yaratiladi, shunda seleksiya tizimi ishga tushgan bo`ladi. Buni nafaqat sport sohasida balki, boshqa sohalarda ham shunday qilish lozim.

Hozirgi kunda yoshlardan birgina talab, shu imkoniyatlardan oqilona foydalanish.

---

<sup>35</sup>[www.Uz.m.wikipedia.org](http://www.Uz.m.wikipedia.org)